



REPUBLIKA E SHQIPËRISË

KOMISIONI QENDROR I ZGJEDHJEVE
KOMISIONERI SHTETEROR I ZGJEDHJEVE

Tiranë më 18/02/2025
Nr. 1098

Drejtuar: KUVENDIT TË REPUBLIKËS SË SHQIPËRISË
KOMISIONIT PËR ÇËSHTJET LIGJORE, ADMINISTRATËN PUBLIKE
DHE TË DREJTAT E NJERIUT

Bulevardi "Dëshmorët e Kombit", nr. 4, Tiranë

Lënda: Dërgohet për shqyrtim dhe miratim propozimi për strukturën, organikën dhe klasifikimin e pagave të personelit me kohë jo të plotë pune në mbështetje të procesit të votimit nga jashtë territorit të Republikës së Shqipërisë për zgjedhjet për Kuvend 2025

Të nderuara,

Së pari, dëshiroj të shpreh konsiderata të larta për punën tuaj dhe bashkëpunimin e vazhdueshëm ndërmjet institucioneve tona.

Në mbështetje të nenit 19, pika 1, shkronja "m", të ligjit nr. 10 019, datë 29.12.2008, "Kodi Zgjedhor i Republikës së Shqipërisë", i ndryshuar, Komisioneri Shtetëror i Zgjedhjeve përgatit dhe i përcjell për miratim Kuvendit të Shqipërisë strukturën dhe organikën e administratës së KQZ-së me kohë të plotë pune dhe asaj jo të plotë pune.

Bashkëlidhur ju dërgojmë për shqyrtim dhe miratim strukturën/organikën dhe klasifikimin e pagave të personelit me kohë jo të plotë pune të Komisionit Qendror të Zgjedhjeve shoqëruar me lidhjen nr. 1, ku janë përcaktuar kategoria/niveli i pagave të pozicioneve të punës, periudha dhe kriteret e punësimit të punonjësve që do të rekrutohen me kohë jo të plotë pune.

Duke ju falënderuar për bashkëpunimin,

Kopje: 3

Afati i ruajtjes: 5 vjet

Punoi: E.Dai

A.Ruço

J.Josifi

M.Çelmeta

Data: 18.02.2025
Nr: 1098



Komisioneri Shtetëror i Zgjedhjeve

Ilirjan ÇELIBASHI

Dërgohet për shqyrtim dhe miratim propozimi për strukturën, organikën dhe klasifikimin e pagave të personelit me kohë jo të plotë pune në mbështetje të procesit të votimit nga jashtë territorit të Republikës së Shqipërisë për zgjedhjet për Kuvend 2025.



REPUBLIKA E SHQIPËRISË
KOMISIONI QENDROR I ZGJEDHJEVE
KOMISIONERI SHTETEROR I ZGJEDHJEVE

Tiranë më	18/02/2025
Nr.	1098/1

RELACION SHPJEGUES

PËR MIRATIMIN E STRUKTURËS, ORGANIKËS DHE STRUKTURËS SË PAGAVE TË PUNONJËSVE ME KOHË JO TË PLOTË PUNE NË MBËSHTETJE TË PROCESIT TË VOTIMIT NGA JASHTË TERRITORIT TË REPUBLIKËS SË SHQIPËRISË PËR ZGJEDHJET PËR KUVEND 2025

Në mbështetje të nenit 19, pika 1, shkronja “m”, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, Komisioneri Shtetëror i Zgjedhjeve përgatit dhe përcjell për miratim në Kuvendin e Shqipërisë strukturën dhe organikën e administratës së KQZ-së me kohë jo të plotë pune.

Me qëllim përmbushjen e detyrimeve ligjore duke marrë në konsideratë fluksin e madh të kërkesave për regjistrim për mbarëvajtjen e procesit të votimit nga jashtë, lind e nevojshme punësimi i punonjësve me kohë jo të plotë pune për realizimin e proceseve të tilla si: përgatitja e dokumentacionit zgjedhor që i dërgohet zgjedhësit nga jashtë vendit; ruajtja dhe administrimi i dokumentacionit zgjedhor të dërguar nga zgjedhësi nga momenti i mbërritjes në territorin e Republikës deri në fillimin e numërimit dhe të vlerësimit të votave nga jashtë.

Aktualisht, numri i kërkesave ditore është rritur me 6000 (gjashtëmijë) aplikime dhe numri mesatar i zgjedhësve të miratuar në ditë është 3900 (tremijë nëntëqind). Me këtë ritëm konstant projeksioni i cili do të vijojë deri më datë 4 Mars, kur kanë mbetur edhe 14 (katërmëdhjetë) ditë nga përfundimi i regjistrimit, parashikohet një shifër rreth 250,000 (dyqindpesëdhjetëmijë) zgjedhës të miratuar.

KUADRI LIGJOR

- Ligji nr.10019, datë 28.12.2008, “Kodi Zgjedhor i Republikës së Shqipërisë”, i ndryshuar;
- Ligji nr. 9761, datë 12.07.1995, “Kodi i Punës i Republikës së Shqipërisë”, i ndryshuar;
- Vendimi nr. 325, datë 31.5.2023 të Këshillit të Ministrave, “ Për miratimin e strukturës së pagave ,niveleve të pagave dhe shtesave të tjera mbi pagë të zëvendësministrit funksionarëve të kabineteve, prefektit, nënprefektit, nëpunësve civilë dhe nëpunësve të administratës publike”, të ndryshuar.
- Vendimi nr. 326, datë 31.5.2023, të Këshillit të Ministrave “Për pagat e punonjësve mbështetës dhe punonjësve të tjerë të specialiteteve të ndryshme në disa institucione të administratës publike”, të ndryshuar.



Për realizimin e këtij procesi pune parashikohet të punësohen në total 80 (tetëdhjetë) punonjës me kohë jo të plotë pune, sipas përcaktimeve të lidhjes nr.1 që shoqëron vendimin.

Kategoritë e punonjësve që parashikohet të punësohen me kohë jo të plotë pune ndahen në specialistë dhe operatorë.

Kriteret e përgjithshme dhe të veçanta për pozicionet e punës janë të ngjashme me ato të punonjësve organikë (me kohë të plotë pune), si më poshtë vijon:

1. Drejtoria për Votimin nga Jashtë

Parashikon të rekrutojë punonjës të kategorive: Specialist, operator.

Specialist për proceset e tjera të administrimit: shqyrtim, votim, numërim, vlerësimin e votave

- Përgatit bazën materiale zgjedhore të organizuar sipas qarqeve për tu dërguar zgjedhësve nga jashtë vendit të cilët janë regjistruar;
- Mbikëqyr dhe përgatit procesin e shpërndarjes së bazës së materialeve zgjedhore drejt operatorit/vë të shërbimit postar;
- Ruan dhe plotëson sipas një kalendari të paracaktuar kutitë e votimit përgjatë periudhës së 'ardhjes' së votave nga jashtë;
- Siguron bazën materiale të kutive që rinumërohen gjatë procesit të ankimimeve;
- Ndjek prodhimin e vulave, procesverbaleve të administrimit të bazës materiale zgjedhore;
- Merr pjesë në realizimin e procesit të këqyrjes së mëposhme të fletëve të votimit dhe materialit zgjedhor;
- Mirëmban listën sipas zonave (Qark) të përgjegjesisë;
- Merr pjesë në vlerësimin dhe tabulimin e votave nga jashtë vendit, si staf i KQZ;
- Kryen administrimin e dokumentacionit zgjedhor, koordinon dhe përditëson informacionin;
- Kontrollon dhe indeksin tabelat e rezultateve sipas qarqeve;
- Hedh, kontrollon të dhënat nga tabelat përkatëse dhe teston modulet për tabelat përfundimtare me saktësinë e kërkuar;
- Mbikëqyr dhe koordinon përgjatë periudhës së 'ardhjes'/votimit së votave nga jashtë me teknikat e suportit 'helpline' për zgjedhësit sipas qarqeve të përgjegjesisë;
- Kryen herë pas here detyra të tjera të ngarkuara nga eprorët në përputhje me fushën e përgjegjesisë së drejtorisë.

Operator për proceset e tjera të administrimit: shqyrtim, votim, numërim, vlerësimin e votave

- Përgatit infrastrukturën e vendnumërimit të votave nga jashtë, ruajtjes se kutive te votimit, dhe asaj të përgatitjes se dokumentacionit zgjedhor;
- Përpunon të dhënat e mbledhura nga helpline dhe i përditëson në regjistra të konsoliduar;

- Kryen këqyrjen paszgjedhore në bashkëpunim me stafin e KQZ-së dhe pasqyron gjetjet.
- Administron dhe përpunon të dhënat për këqyrjen paszgjedhore;
- Ndhmon në përgatitjen, kontrollin fizik të bazës së materialeve të votimit (kuti votimi, zarfa, fletë etj.);
- Ndhmon në përgatitjen e materialeve të nevojshme aksesore: letër termike, adaptor rryme, memorie USB, vula me kod sigurie, kredenciale, etj;
- Kryen skanim dhe paletizim sipas zonës zgjedhore për çdo bazë materialesh të votimit;
- Kryen inventarizimin e seteve të materialeve të votimit;
- Kryen transportin e materialeve zgjedhore nga vendruajtja tek vendnumërimi;
- Kryen herë pas here detyra të tjera të ngarkuara nga eprorët në përputhje me fushën e përgjegjësisë së drejtorisë.

Kopje: 3

Afati i ruajtjes: 5 vjet

Punoi: E.Dai

A.Ruço

J.Josifi

E.Topulli

M.Çelmeta



KOMISIONI QENDROR I ZGJEDHJEVE

DREJTORIA E VOTIMIT NGA JASHTË

lidhja 1

Njesite Pergjegjese	Pozicioni punës	Kategoria e pagës	Periudha e punësimit	Nr. punonjësve	Kriteret e Punesimit
DREJTORIA E PËRGJITHSHME E ADMINISTRIMIT TË ZGJEDHJEVE					
Drejtoria për Votimin nga Jashtë					
Sektori i Administrimit dhe Zhvillimit të Votimit	Specialist	IV-2	6 muaj	5	Arsim i lartë
	Specialist	IV-2	3 muaj	55	Arsim i lartë
	Operator	V	3 muaj	20	Arsim i mesëm